

主編 黃靈庚 陶誠華

上海古籍出版社

金華宗譜文獻集成
15

主編 黃靈庚 陶誠華

上海古籍出版社

金華宗譜文獻集成

15

目錄

金華宗譜文獻集成（永康宗譜二） 永康市委宣傳部編

童文賢輯

馬

一

清渭馬氏宗譜

一

梅

一一

青龍梅氏宗譜

一一

倪

一三

倪宅倪氏宗譜

一三

大屋村倪氏宗譜

一八

錢

二五

銅川錢氏宗譜

二五

裘

四一

尚裘義門裘氏宗譜

四一

任

四三

窖川任氏宗譜

四三

邵

四五

邵氏宗譜

四五

施

四九

唐先施氏宗譜

四九

舒

五五

永川舒氏宗譜

五五

湯

六七

永康湯氏宗譜

六七

田

七三

永康田氏宗譜

七三

童

七七

東梓童氏宗譜

七七

汪

一二五

宮澤汪氏宗譜

一二五

王

一四一

象珠安右常王氏宗譜

一四一

象珠壽常王氏宗譜

一四六

耕心堂宅樹下蓮湖王氏宗譜

一五六

修吉巖渡里王氏宗譜

一六一

羅川王氏宗譜

一七二

翁

一七九

青龍翁氏宗譜

一七九

吳

一八九

屏山吳氏宗譜

一八九

厚唐吳氏宗譜

二〇八

項

二一九

魯塘項氏宗譜

二一九

夏

二二三

世雅夏氏宗譜

二二三

徐

二三五

截角徐氏宗譜

二三五

大塘徐氏宗譜

二三六

花園五崗徐氏宗譜

二四〇

雙錦塔海徐氏宗譜

二五三

麻車店西溪徐氏

二六二

南安城西徐氏宗譜

二八〇

楊

二九三

堂慈宏農楊氏宗譜

二九三

姚

二九七

黃棠姚氏宗譜

二九七

葉

三二一

葉宅葉氏宗譜

三二一

華溪邑葉氏宗譜

三三七

應

三四九

金川應氏宗譜

三四九

巖後漫塘金江廟應氏宗譜

三五八

黃川應氏宗譜

三六五

麻車店應氏宗譜

三七〇

毫塘芝英敦下公常應氏宗譜

三八一

芝英應氏宗譜

三九〇

可投應氏宗譜

四〇七

古竹靈巖寺前應氏宗譜

四二六

後杜應氏宗譜

四四一

清渭英閣娛塘應氏宗譜

四五六

俞

四六三

洪州俞氏宗譜

四六三

石川球川俞氏宗譜

四九一

青山俞氏宗譜

四九五

俞溪俞氏宗譜

五〇九

張

五一九

山頭下郎村張氏宗譜

五一九

章

五二一

永康章氏宗譜

五二一

青龍章氏宗譜

五二九

李溪章氏宗譜

五四四

趙

六二一

上把湖田沿趙氏宗譜

六二一

鄭

六二三

水坑下鄭氏宗譜

六二三

尖山鄭氏宗譜

六二九

榔山柘川鄭氏宗譜

六三三

朱

六四一

金城川朱氏宗譜

六四一

棠溪朱氏宗譜

七四八

厚澤朱氏宗譜

七五九

川塘小告沛國朱氏宗譜

七七一

永祥橋下石林朱氏宗譜

七八六

周

八〇一

泮川楓林高川英山璋川周氏宗譜

八〇一

馬

清渭馬氏宗譜

馬氏宗譜序宗譜

〔宋〕張南軒

余嘗仰觀乾象北斗爲中天之樞而三垣九曜旋繞歸向譬猶君之尊而無敢不拱焉俯察地理崑維爲華夏之鎮而五岳八表通峰接岳爲祖之親而無敢不本焉此君親一理而忠孝一道也忘之者謂之逆遺之者謂之棄慢之者謂之褻無將之戒莫大於不忠五刑之屬莫大於不孝爲人臣所當鞠躬盡瘁爲人子所當慎終追遠而不可或忽者也今究馬氏譜牒上朔姓源之始下逮繼世之宗明昭穆以尚祖也系所生以尚嫡也叙長幼以尚齒也列象賢以尚忠也非大忠大孝者能之乎噫世之視祖未遠問其名則懵然不知有愧於馬氏多矣

淳熙馬氏譜序

〔宋〕應懋之

蓋夫家之有譜猶國之有史也家譜以紀祖宗之源流國史以署帝王之統緒其事雖殊而理則一旦三代盛時公卿世祿之家立大宗小宗之法以維持其族人設譜局之官以掌之及其久也王制衰譜局廢而官失守譜牒之學興矣夫世人昧昧其族屬親者逾疏疏者逾戚則與禽獸者奚擇哉今馬氏上鉅秦漢遠而難知下及宋元近

而易考難知者不敢違漏以忽於先易考者不敢虛褒而光於後姑以本派宗圖謀諸同類者而修輯之而勿違先人之遺訓此圖之作脉絡貫通上下布列昭然在目燦然明白而不紊矣左昭右穆之有序上祖下孫之有傳廣仁義之風戕妒忌之事息矣吁鼻祖遷至於今傳世十三歷年千百子孫繁夥簪纓繼世往往其有人焉或星散於各居者蓋有之矣蓋人之有祖宗者猶水木之有本源也人不記其祖則其派不知水不導其源則其流不長木不培其根則其枝不茂觀此者可不重其祖敬其親之大也其四海之中百代之衆莫過於一人之初而至千萬人之廣祖之遺而至於千子萬孫之類自是尊尊而親親幼幼而長長睦宗族廣慈愛厚彝倫敦仁義有關於世教者重矣不假勢豪之象以彰門祚之巍巍毋倚富盛之名而揚聲名之赫赫謹以爲叙時淳熙元年夏四月上浣吉旦

嘉靖清渭馬氏譜序

〔明〕馬廷鼎

馬氏之先伯益嬴姓之後也伯益封於趙趙奢擊破秦師解闕與之圍封趙奢爲馬服君子孫因以爲氏厥後子孫蔓延於天下乃居清渭宋時有公亮者生子廣壽壽生才理理生糧糧生蔭行三五乃國朝正統初年鼎曾祖光清公作譜所載如此之詳考於本宗蔭公生三子曰凱曰策曰榮三派子孫支脉分明而一世之祖自蔭公始也鼎生也晚聞見不廣本不敢以追步先人立法之意但此譜失今不修誠恐後之人有問其世家而不知者則其責不得不妄以爲己任也乃因舊譜而重修之則我古人之潛德亦得以發其幽光也其舊譜有序有例茲不重錄而別參譜例於後亦不敢必其體制之合於

古人否也其於家譜遺文亦附錄於後以備稽考云時嘉靖丁酉歲次冬望日

萬曆清渭馬氏舊序

〔明〕程正誼

譜之興尚矣然尤盛於近世蓋皆本於程子之意云夫宗子法廢則人不知重本譜系既明則人各知來處程子所謂管攝人心敦宗族厚風俗使人不忘本者皆系於譜真至言哉第非作厥述何由歐蘇二乘法譜之班馬也互有得失不免遺議他可知矣余閱清渭馬氏家譜首之以宗圖做禮家之宗法也繼之以行傳做史家之例傳也以明世次則昭穆之序分以序年齒則長幼之倫辨以紀生卒則慎終追懷之念興以詳婚姻則枝連葉附之誼廣而又自義率祖等而上之止於始遷無妄認之失自仁率親等而下之統於一例無豐昵之嫌兼歐蘇二氏之長洗唐宋諸家之陋馬氏之譜真佳譜哉雖然譜誠善矣孔子曰人能宏道非道宏人所以推是而行之者存乎其人蘇氏譜序諄諄乎望人之意蓋難之也懷石君修譜既成屬余序余與懷石有同袍之雅誼不容辭自善其文嘉其志而終之以此噫後之君子得吾說而存之庶幾哉不失程子之意矣作者簡介程正誼文樓人賜進士第中憲大夫提刑雲南按察司副使前刑部郎中

萬曆丁丑馬氏重修譜序

〔明〕鄭世修

維家之有譜猶國之有史也史者所以紀歷朝之事業譜者所以載合族之源流故國無史莫以識其統緒家無譜莫以考其支派且有同姓而異處共派而他繼者苟不綴以譜則世遠年湮一旦見遇泛

若途人吉不知賀凶不知吊其弊可勝言哉古有苑氏之編源流畢貫天下皆爲之矜式凡仁人孝子而於譜牒之事所系非淺可任其遺亡而不思修明也嗟夫時當晚近賢愚不等厚薄不齊求其知辨班位序昭穆綿瓜瓞致祖德維新子孫勿替者亦既罕觀矣今觀馬氏之祖自中秀公遺留譜圖一卷道德仁義經濟文章非唯表於譜牒抑且載在典籍無不班班可考予何多贅焉惟是盛三公由永邑清渭而至此創其業而居焉自爲之始也迄今百數十余年代遠人稠恐昭穆有紊尊卑莫辨是以請予見其舊制飾以新規略者詳之闕者補之卑不逾尊疏不逾戚播之當時傳之後世雖千百年之遠而不忘其本矣可同國史之昭垂不朽云爾時萬曆丁丑仲冬之吉

乾隆馬氏重修譜序

〔清〕程開業

清渭馬氏吾邑右族也其昔年人文之秀科貢之盛宦迹之隆與夫財賦之占版圖德義之著當時炳炳烺烺膾炙人口者已傳誦而習聞之矣余計其家乘自康熙戊子修葺後歷年又久今後賢鵠起慨然纂修揆之孝子慈孫之命意雖均爲尊祖敬宗之大閑至其矢公矢慎元清元大耀生茂生愷如諸君子雅有同志則憂乎莫尚焉其溯世系則不扳不漏得漢魏之法也其序昭穆則有倫有脊彷彿蘇氏之式也其載傳序則歷歷可據匪以僞亂真也其列仕宦諸科則班班就叙無以尊逾卑也其祖墓墳塋則雖遠具悉必詳明必確當遐邇可稽也其旌德褒節則循名核實非阿好非苟容幽明共服也若乃崇祀典別服屬定家規嚴義支其可垂久遠者指不勝屈不誠稱信譜矣乎詩曰無念爾祖聿修厥德又曰繩其祖武式谷似之馬氏

之譜成行見以天時人事之重新葉產鳳孕麟之勝地子子孫孫接踵雲路而且恢宏先烈增光史策者不更有厚望也哉余與際云元清二友誼屬同庠余幸登第歷仕他邦與二友相契闊者十餘年茲回家守制過清渭二友來謁余晤言下語及家譜二友不以余爲鄙命序於余義不容辭請閱世系聊摠俚言以廣徽音焉時龍飛乾隆十年歲次乙丑仲秋之吉

乾隆續修宗譜後跋

〔清〕馬逢清

清幼習儒業壯游泮水秋闈七人志不能伸無以光前而垂後終身碌碌無所短長抱愧良多今年躋七旬功名念絕始有志於宗譜予家譜牒始自光清公廷鼎公國本公累次纂修而祖德宗功與夫支派源流莫不秩然有序燦然有文誠予家之良史也奈變起戊子兵燹相尋室廬被災譜牒俱焚良可浩嘆幸浦江系本家分派同宗共譜猶有存者丁亥春皇考慎齋公等奔馳其處請觀其譜已屬再修前六代原自相同後則自修派下得其譜牒有所憑據歸而與從兄逢循行考究有子孫流傳者猶能記憶始得其詳餘則止列其行而缺其生卒故愷悌惟惇性五行多所殘缺此亦文獻無徵無可如何也編成付梓以垂於後歷今又三十八年仍恐殘缺失次上春與族長俊生際云耀生元大茂生愷如諸君商議此事僉曰失此不修何日修之汝不之任誰能任焉清雖菲才其責有不容辭者於是慨爲己任將前之所己人者考之而後之所未人者序之參互考訂得而成書至浦江系祿公下遷居者九吾家親派載人其內以示不忘親親之意行上圈內點者是而祠廟大主不與焉別之以便後來集主

若西馬派前行俱加一字附後惟恒愉二行列入加之以圈亦所以別親疏也編葺既成爰請諸師刷印部每部卷垂傳於後然而莫爲之前雖美勿彰莫爲之後雖盛勿傳後之孫子尚其善繼善承循時修葺而綿綿不絕則予重有望焉時乾隆十年歲在乙丑桂月之望

性七十九馬孟明傳

〔清〕李如昉

馬氏之居在邑東北隅據清渭之上流其地界東陽三十里間有賢才東陽少徵許先生爲名卿收天下豪杰當世之士爭願識荆一登龍門則聲價十倍初嘗與應圖公同學於紫微山文章氣誼相契雅後復往來不絕應圖公有五子孟明公爲之長幼穎異少微公初見甚奇之遂授業焉十歲甫爲文先生嘉其手筆目以大器年十七游泮宮有司獎之餼以廩許公門下惟孟明稱最孟明業已精將戰棘闈朋友與鄉人餞之且祝曰有司之所拔者斯人也同考之所薦者斯人也及試畢不果人皆惜之孟明咎己業不怨有司勵志再上祝之如前又不果如此者五六舉孟明乃仰天嘆曰是余之命也夫是余之命也夫時少微公官兵部馳慰書來勉以勿棄舉子業孟明弗聽也後專博涉群籍聚書甚富孟明性耿介標氣節議論清越多所激揚誼不苟合當世有不得志嘗作詩援天以自解生於萬曆乙未年十月初九日卒於崇禎辛未年五月初七日公諱尚文字孟明余之嫡堂妹夫也娶陳氏繼妹氏俱無出繼胞弟尚德公三子鳴世爲嗣恩庠生孫一諱鼎鏐字若鈞入邑庠曾孫五人元孫男十有餘人振振繩繩未有艾云戊子春若鈞氏續修家譜余閱其文深嘉其爲人叙其所閱歷而爲傳知其不以不遇而憾於地下也時康熙戊子

年季春三月望日作者簡介李如昉壬午進士

慎五十四馬鳴世行傳

〔清〕胡鈺

邑之東北境山川靈異惟清渭最秀龍山峙其東渭水繞其西中則馬氏族焉其地虎踞龍蟠豪杰挺生簪纓奕葉故夫馬氏之族遂稱甲於東北歷自熙宇公髫年穎異文章卓世年十三而游泮十六而補廩後以明經授惠州別駕隨以大夫改補永安知縣政通人和且與東陽大司馬少微許公以文章氣誼最稱契厚方將推薦期以欽取大用不意遽以疾終遺五令子各以才名二三四君樂道自娛第五諱尚猷公曾授縣銜惜乎未仕家君諱尚文者少年人泮是則吾舅氏諱鼎鏐字若鈞翁之令祖也生令先尊諱鳴世字翼宸公博學養志樂甘林泉迨至鈞翁世傳家學續紹厥緒賦性醇厚制行端莊其持己也端而慎其接人也和而恕篤彝倫之道裕義方之訓其尤大者建造祠廟而祭享有堂纂輯宗譜而世系不紊凡所爲燕貽計者久已馳譽鄉邑蜚聲庠序余與清渭比鄰而居姻盟締交之厚歷有年所稔知舅氏嘉言懿行久已嘖嘖人口適當家乘告成謹約其概以附於簡末若乃祖乃父繼翁及嗣子曾孫振振繩繩其祥百世延延綿綿光流萬代之報施定有在矣時康熙四十七年歲次戊子季春之望作者簡介胡鈺庚午歲進士

馬翁懷七十五公贊傳

〔清〕潘樹棠

清渭馬翁世居清渭籍屬東鄉之升平與夏川爲戚里翁有孫良敦奉族長者命懇余爲贊傳然恐無因邀夏川眷屬胡兄正元爲先容

胡兄挈之先詢明經元吉翁余舊館人也知余與翁不相識屬挾宗牒來適今歲春仲花朝後五日同胡兄至余家具述族長者言以續修世系翁未有傳殷殷以家乘付敦使得余言余乃盥手披而搜之翁第行懷七十五諱祖雙享年八十有二未著表號故以懷七十五公表之曰馬翁懷七十五公云然考其行下有贊語云質性厚重持已中規中矩處世克寬克和信如斯言翁之爲人固亦慥慥有足稱者曰質性厚重此天姿之美固一善人也持已中規中矩倘如子輿氏所謂動容中禮者非耶處世克寬克和書所謂寬而有制從容以和者庶其似之而今又以余所聞於其孫敦者云其族長者謂翁於構建祠宇奠定宗寢極力襄贊而成之此尤爲奉先思孝之意敦本之道真如韓昌黎所稱勛躬燾后者豈直如漢馬起之雲乘下澤車騎款段馬鄉里稱善人而已哉夫伊古以來貴如金張富如卓鄭當時則榮沒則已焉者何可勝道翁一老成謹厚人耳非有炫赫之勢以動人聽聞乃綿延至今令族之人愛之慕之未或忘之於行贊之傳猶爲未足命其孫請予一言登諸宗簡以爲法於後來此族長者之盛情亦翁之厚德致之且行下未著翁享年予知翁之壽八十有二者翁生以乾隆三十有七年壬辰距卒之年咸豐癸丑得年八十有二亦中壽也翁子二純旺純立孫五良分良金良果良遠良敦敦即請言者皆克家曾孫守維守浪蘇長公雲仁者必有後翁其有焉乃即其昔之所與贊翁者引伸而筆之以爲傳時龍飛光緒九年歲在癸未如月作者簡介潘樹棠花街潘宅人辛酉拔貢同治候選教諭

宋理宗皇帝拜馬光祖爲觀文殿學士光祖以年

老表懇致仕皇帝親贈御詩

袖手長才世路輕愛閑那肯鬻榮名挂冠便欲辭丹闕策杖還歸老
婺城適意不論三仕喜傳家惟有十分清林間深趣真恬退好向廉
泉自濯纓

和詩六首

一

道義王公孰重輕肯於朝市復爭名冠從昨日挂神武袖有祥雲辭
帝城回首雁行真并秀身著鷗社更雙清抗塵顏我推頽甚想見旁
觀絕濯纓 馬光祖

二

天爵尊榮人爵輕臬臺惟貫亦虛名周孔肯爲不室價終老襄陽不
入城封到萬苗隨日長天然玉骨共山青無謀肉食何爲者願乞耶
溪去濯纓 馬潤祖

三

直知道重即身輕豈是逃榮故避名靖節歸來江上宅堯夫獨活樂
中城寵頒天上雲章麗表出風前露玉清林下有同歸仕宦好聯孺
子繼歌纓 黃縉是

四

生平榮念一毫輕久矣飛騰降闕名浪漫一官參計慢侵尋十載隱
皇城遽世青輶懸神武却結絲鉤對紫清祖帳都門餞行客爲君三
日拂塵纓 馬幼節

五

侵尋暮景宦情輕納祿非沽勇退名自愧昏衰辭絳闕蒙恩優老人
佳城魁章疊拜宸恩重天語親承問聖清奕世叨恩何以報痴兒那
更續簪纓 葛洪

六

每愧蠅榮自取輕巧閒何敢望榮名投簪幸許歸鄉里束擔相將少
宗城宸藻輝華雙鬢老聖恩全就一門清從今息影塵器外寧隱林
泉自解纓 孔山問行

頌馬臻

〔宋〕王十朋

會稽疏鑿自東都太守功從禹後無能使越人懷舊德至今廟食賀
家湖 選自紹興百景圖贊

清渭八景詩

〔宋〕何子舉

清渭晴嵐

清渭盤旋似太行，嵐光過雨鬱蒼蒼。
氤氳如霧凌空起，縹緲隨風到處揚。
谷轉孤村芳樹綠，水流雙澗落花香。
興來秣馬尋高隱，泉石徜徉樂更長。

箭山晚翠

日落岵山照畫屏，箭山鬱鬱歲寒青。
昂霄巨干成梁棟，裂石盤根長茯苓。
風撼碧濤驚鶴夢，雷轟鐵鎖悅龍形。
由來秀蔭觀音廟，血食千年顯電靈。

北澗雙流

華溪有水綠如苔，迎會雙溪右澗來。
二溪合流川兩道，四面環擁翠千堆。
尋源未許停漁棹，修禊應堪泛羽杯。
夾岸桃花開爛漫，落紅隨浪泛天臺。

指崖一覽

指崖屹立鎮山川，萬丈巍巍勢插天。
風日雙清時有限，乾坤一覽景無邊。
東西兩峴丹青獻，南北群峰紫翠連。
我欲凌風登絕頂，一聲鐵笛叫飛仙。

桐畝犁耕

村南村北布谷聲，幽風歌罷足關情。
携朋日向東園酌，佩犢時從谷口耕。
花雨一犁春信早，稼雲萬頃歲功成。
君王正此招賢用，胡不當初顯姓名。

派溪釣隱

派溪有水碧無瑕，結屋臨溪釣隱家。
樗子敲針依柳樹，扁舟釣罷泊蘆花。
子陵辭漢千年遠，尚父歸周兩鬢華。
祇恐客星難障掩，一竿未足了生涯。

大隴秋雲

迢迢大隴似眠牛，多少村莊築此丘。
元室幽深埋玉樹，曉雲飛遶護松秋。
栖遲每入林間渺，變化長從海上浮。
正是蒼生多渴望，作爲霖雨濟田疇。

高村夜月

緩步高村納晚涼，徘徊更覺景難忘。
一輪月照碧梧影，萬壑風飄丹桂香。
蘇子何須游赤壁，群仙正好泛瓊觴。
洞簫吹徹東方白，白玉兔還留不夜光。

靈岩記

何子舉

靈岩之境最超卓，高隱翠微浸碧落。
迢迢一徑倒青松，壁立危門敞

虛閣敞虛閣見寥廓萬迭青山連海角山田疏密布棋文行看遠近
分鳬鵲入虛堂直邃寞太古從來天所鑿上如屈曲老龍腰下似空
明巨鰲殼低不礙人高可摸豁然平鋪如琢削洞徹中開隱籟傳虛
通遠映飛光爍烟嵐前後如簾幕洞戶東西迢鎖鑰明月宵涵兩玉
壺白雲曉度長銀索壺天春秋長不惡瓊室夏涼冬煖若老僧雪夜
不新爐童子炎日尚狐貉夜靜風清冰露薄天碧境寒河漢爍冷冷
風吹叱斗牛浩浩清聲生萬壑我欲飛王喬之鳬呼丁令之鶴賀羽
仗之輕車奏靈臺之妙樂披星機繪素以爲衣舉金莖沆瀣以爲酌
呼群仙以遨游休此岩而宴樂或叱石以爲羊或招松而化鶴酒客
漁父參棋許樵夫著不知鳥之東飛免之西躍相將遠逐無窮濱道
遙永脫塵緣縛

夢然題詩

御筆褒嘉帝寵深先君志不在榮身金鑾曾奏仙家事留取靈丹壽
老人

和夢然題詩

一

生來總是夢中夢老去那知身後身擲却虛名急回首如公能有幾
何人 曾啓

二

方外曾傳千歲訣塵中空老百年身如今眷戀不歸去又恐三山屬
別人 李盟

三

今朝祖帳出金門南北東西自在身道逢俗客猶相問仙路如今有
幾人 赤文忠

四

玉季朝中舊諍臣金昆名外一閑身高風直節相先後此勝家傳果
幾人 陳武

朱其題詩

白雲山人慕巢許玉霄峰頭玩其樹岸巾肯入終南山凜凜清名照
千古老臣先生厭俗氛高躡白雲接遐武從教策馬聽朝鴻笑脫峨
冠挂神所故鄉霞標爛逼人滄島月光寒入戶

鴻夫題詩

聖君如堯舜豈無巢與由計然亦何慕五湖一蕩舟之子亦不作爲
席思歌幽尚聞塵何君清芬撒旋流重華賜嘉號見門旌林邱推於
雅道息兢風日悠悠脫冠挂神武有士歸南州筵將正金闕藉猛博
處裘鈞天爲開咏說此夷逸儔御賜詩屬事紅光逼奎婁宸章秩麟

表正聲出天球清名將靜退夸節追前修說人輯衆隼承弼登虞周
明時樂閑暇甚處自不侔故鄉宅仙子登境方蓬州君歸謝司馬坐
望春與秋方賦爵錄發虛轉其河流炯路逍遙客隱踪應輓游一頌
乃行色春風生柁樓

讀訓詞

馬逢聖

松山如砥礪清渭水漣漪水遠無時竭山高不可移欽哉此訓詞千
載以爲期墳典同傳誦箴銘共繹思永垂修己法長示作人儀咸奉
以周旋自天其祐之以上均摘自清渭馬氏宗譜

贈馬生歸永康序

〔明〕海瑞

予秉性戇直最嫉佞諛每欲得一直言敢諫奮死不顧利害之人與
之立朝事君以追吁咈之治而無如寥寥天壤百不得一也迨擁皋
比於南平有石峰馬君者婺之永康人也携其子來判是郡夙著廉
明余每接見則言詞慷慨如泰山喬岳有落落難合之概及考其行
則又不卑小官小心謹慎必求稱職竊喜所謂奮死不顧利害者庶
幾見之遂與定交歡如平生從余游馬生國本即其令子也天賢英
邁豐神俊拔博極群書筆陣雲橫文濤水湧雖當世老儒宿學賢士
大夫弗能過之亦可謂閭中肆外矣然余之深喜之者匪徒以文也
喜其秉性耿介未嘗妄交乎一人力學好古每惡世之陰險僉邪者
有乃父之風與余性合也孔子曰吾未見剛者若馬生可謂剛直之
士矣夫易陽剛爲君子陰柔爲小人今生剛而好學是以君子之質
充以君子之才將異時際交泰之會直言正色面折廷諍如古引裾

折檻者非他人必此子也今世之爲君子者少而小人者多余方樂
與爲徒爲國家儲弼直之士今乃以父命歸省墳墓是余意中有是
人而目中不見有是人矣故制聯匾以贈之蓋欲作其氣礪其志無
變其志以象賢也馬生其勉之

贈馬生性九十四新娶詩并序

〔明〕許弘綱

永康馬生諱尚章字仲成乃余畏友應圖公之仲子也昔生翁與
余習舉子業同聲同氣兩更寒暑獲益良多予至其家生等昆弟
五人以余爲執友修八拜禮琳琅滿目予奇之謂其父曰馬氏五
常此其再見乎乃翁曰君毋乃稱許太過歲在壬辰讀書於余家
紫微書舍予邑蔣公見其器宇不凡以女妻之浼予執柯遂成秦
晉今其父召之歸娶其師曰禮重婚姻道從卑邇此似續敦倫之
大義也友以比德言以昭規余能默然哉馬生業易者也易曰閑
有家女貞是利夫婦之道善不已貞乎蓋貞者正而固也君子安
於正而純固故摯而有別厲而不傷愛而不嬖和而不狎斯非彝
倫之要而夫婦之義乎馬生曰貞哉其孚而威矣家人嗃嗃嚴不
失節終吉可保也敬承先生教余聞師言而善之爰賦詩以贈且
蔣家爲吾邑望族文章節義聞於八婺女子遵姆教咸不出閨門
今乘時於歸其爲好逑可知也遂書以爲序金針綉綺閣石爛定
山盟絲奏求凰曲竹吹引鳳聲匏樽齊舉案土鼓和調箏革玩豹
文蔚木天姓字榮師言贈合登歸妹試紅粧復兆三陽瑞咸和百
世昌倡隨觀豫樂福履賁謙光交泰坤乾會艮兌漸成行作者簡
介許宏綱賜進士第資政大夫兵部左侍郎東陽人後退居永康後塔塘村